

Schützenfest Geversdorf



„Nordseewellen“

Wo de Nordseewellen trecken an den Strand,
wo de geelen Blomen bleut int groene Land,
wo de Meuwen schrieen grell in Störmgebrus,
dor ist mine Heimat, dor bin ick to Hus.

Welln und Wogen raunten mi dat Weegenleed,
und de haugen Dieken sehn min Kinnertied,
sehn all min Sehnsucht und min good Begehren,
in de Welt to fleegen, öber Land und Meer.

Woll hett mi dat eben min Verlangen stillt,
hett mi alles geben, wat min Hart erfüllt,
alles ist verschwunden, wat mi queel und dreef,
heff min Glück jetzt funden, doch de Sehnsucht bleef.

Sehnsucht no dat schoene groene Marschenland,
wo de Nordseewellen trecken an den Strand,
wo de Meuwen schrieen grell in Störmgebrus,
dor ist mine Heimat, dor bin ick to Hus.